

經進東坡文集事略

經進東坡文集事略卷第十六

迪功郎新紹興府嵊縣主簿臣郎

曄

上進

進策別一十七篇

課百官別六篇

厲法禁第一

抑僥倖第二

決壅蔽第三

專任使第四

無責難第五

無沮善第六

策別叙例

臣聞爲治者有先後有本末嚮之所論者皆當今之所
宜先而爲治之大要也若夫事之利害計之得失臣請
列而言之蓋其總有四其別有十七所謂其總四者一
曰課百官二曰安萬民三曰厚貨財四曰訓兵旅此之

謂其總有四一曰課百官所謂課百官者其別又有六焉一曰厲法禁二曰抑僥倖三曰決壅蔽四曰專任使五曰無責難六曰無沮善者是也二曰安萬民所謂安萬民者其別又有六焉一曰崇教化二曰勸親睦三曰均戶口四曰較賦稅五曰教戰守六曰去姦民是也三曰厚貨財所謂厚貨財者其別又有二焉一曰省費用二曰定軍制者是也四曰訓兵旅所謂訓兵旅者其別又有三焉一曰蓄材用二曰練軍實三曰倡勇敢者是也別而言之十有七焉故謂之策別

厲法禁第一

昔者聖人制刑賞知天下之樂乎賞而畏乎刑也是故施其所樂者自下而上民有一介之善不終朝而賞隨

之是以上之爲善者足以知其無有不賞也施其所畏者自上而下公卿大臣有毫髮之罪不終朝而罰隨之是以下之爲不善者亦足以知其無有不罰也詩曰剛亦不吐柔亦不茹夫天下之所謂權豪貴顯而難令者此乃聖人之所借以徇天下也舜誅四凶而天下服何也此四族者天下之大族也以左傳攷之渾淳出於帝於嵎雲氏皆大族也夫惟聖人惟能擊天下之大族以服小民之心故其刑罰至於措而不用周之衰也商鞅韓非峻刑酷法以督責天下然所以爲得者用法始於貴戚大臣而後及於踈賤火記商鞅傳秦太子犯法將法太子太子君嗣也不可施刑二其傳公子虔黜其師公孫賈歸非傳非者韓之諸公子也喜刑名法術之李故能以其國霸由此觀之商鞅韓非之刑非舜之刑

而所以用刑者舜之術也後之庸人不深原其本末而猥以舜之用刑之術與商鞅韓非同類而棄之法禁之不行姦究之不止由此其故也今夫州縣之吏受賂以鬻獄其罪至于除名而其官不足以贖則至于嬰木索受笞箠此亦天下之至辱也而士大夫或冒行之何者其心有所不服也今夫大吏之爲不善非特簿書米鹽出入之間也其位愈尊則其所害愈大其權愈重則其下愈不敢言幸而有不畏強禦之士出力而排之又幸而不爲上下之所抑以遂成其罪則其官之所減者至于罰金蓋無幾矣夫過惡暴著于天下而罰不傷其毫毛鹵莽於公卿之間而纖悉於州縣之小吏用法如此宜其天下之不心服也用法而不服其心雖刀鋸斧鉞

猶將有所不避而况木索笞箠哉方今法令至繁觀其所以隄防之具一舉足且入其中而大吏犯之不至于可畏其故何也天下之議者曰古者之制刑不上大夫大臣不可以法加也嗟夫刑不上大夫者豈曰大夫以上有罪而不刑歟古之人君待其公卿大臣至重而待其士庶人至輕也責之至重故其所以約束之者愈寬待之至輕故其所以隄防之者甚密夫所貴乎大臣者惟其不待約束而後免於罪矣也是故約束愈寬而大臣益以畏法何者其心以爲人君之不我疑而不忍欺也苟幸其不疑而輕犯法則固已不容於誅矣故夫大夫以上有罪不從於訊鞠論報如士庶人之法

鼠訊鞠論報注云訊考問也鞠旁也謂窮囊之也論報謂上論之而獲報也

斯以爲刑不上

從張湯劾

大夫而已矣天下之吏自一命以上其蒞官臨民苟有

罪皆書於其所謂曆者

選李志云每諸州祿曹及縣令簿尉皆吏部南曹給印紙曆子

秩滿郡長吏書其績用愆過

俾州有司詳視差其幾最而至于館閣之臣出為郡

縣者則遂罷去此真聖人之意欲有以重責之也柰何其與士庶人較罪之輕重而又以其爵減耶夫律有罪而得以首免者所以開盜賊小人自新之塗而今之卿大夫有罪亦得以首免是以盜賊小人待之歟天下惟無罪也是以罰不可得而加知其有罪而特免其罰則何以令天下今夫大臣有不法或者既已舉之而詔曰勿推此何為者也聖人為天下豈容有此曖昧而不決故曰厲法禁自大臣始小臣不犯矣

抑僥倖第二

夫所貴乎人君者予奪自我而不牽於衆人之論也天下之學者莫不欲仕仕者莫不欲貴如從其欲則舉天下皆貴而後可惟其不可從也是故仕不可以輕得而貴不可以易致此非有所吝也爵祿出乎我者也我以爲可予而予之我以爲可奪而奪之彼雖有言者不足畏也天下有可畏者賦歛不可以不均刑罰不可以不平守令不可以不擇此誠足以致天下之安危而可畏者也我欲謹爵賞惜名器而賢者以爲不可是烏足卹哉國家近歲以來吏多而闕少率一官而三人共之居者一人去者一人而伺之者又一人是一官而有二人者無事而食也且其蒞官之日淺而閑居之日長以其蒞官之所得而爲閑居仰給之資是以貪吏常多而

不可禁此用人之大弊也古之用人其取之至寬而用之至狹取之至寬故賢者不隔用之至狹故不肖者無所容記曰司馬辯論官材論進士之賢者以告于王而定其論論定然後官之任官然後爵之位定然後祿之然則是取之者未必用也今之進士自二人以下者皆試官夫試之者豈一定之謂哉固將有所廢置焉耳國家取人有制策有進士有明經有詞科有任子有府史雜流凡此者雖衆無害也其終身進退之決在乎召見改官之日此尤不可不愛惜謹重者也今之議者不過曰多其資考而責之以舉官之數且彼有勉強而已資考既足而舉官之數亦以及格則將執文墨以取必於我雖千百爲輩莫敢不盡與臣切以爲今之患正在於

任法大過是以爲一定之制使天下可以歲月必得其
可惜也方今之便莫若使吏六考以上皆得以名聞于
吏部吏部以其資考之遠近舉官之衆寡而次第其名
然後使一二大臣雜治之參之以其才器之優劣而定
其等歲終而奏之以詔天子廢置周官大宰歲終則令
百官府各正其治受
其會而致事
而詔王慶置度天下之吏每歲以物故罪免者幾人
而增損其數以所奏之等補之及數而止使其子奪亦
雜出于賢不肖之間而無有一定之制則天下之吏不
敢有必得之心將自奮鬻淫以求聞于時而嚮之所謂
用人之大弊者亦不勞而自去然而議者必曰法不一
定而以才之優劣爲差則是好惡之私有以啓也臣以
爲不然夫法者本以存其大綱而其出入變化固將付

之於人昔者唐有天下舉進士者群至於有司之門唐
之制惟有司之信也是故有司得以搜羅天下之賢士
而習知其爲人至於一日之試則固以不取也唐之得
人於斯爲盛唐制主司以通榜取人兼探書望或自投
所業或各奉所知皆无定制有司得以熟
知其貴否故進士得人爲當時今以名聞於吏部者每
之冠如龍虎榜之屬大槩可見歲不過數十百人使一二大臣得以訪問參考其才雖
有失者蓋已寡矣如必曰任法而不任人天下之人必
不可信則人一定之制臣未知其果不可以爲姦也

決壅蔽第三

所貴乎朝廷清明而天下治平者何也天下不訴而無
冤不謁而得其所欲此堯舜之盛也其次不能無訴二
而必見察不能無謁二而必見省使遠方之賤吏不知

朝廷之高而一介之小民不識官府之難而後天下治
今夫一人之身有一心兩手而已疾痛苛癢動於百體
之中雖其甚微不足以爲患而手隨至夫手之至豈其
一一而聽之心哉心之所以素愛其身者深而手之所
以素聽於心者熟是故不待使令而卒然以自至聖人
之治天下亦如此而已百官之衆四海之廣使其關節
脉理相通爲一叩之而必聞觸之而必應夫是以天下
可使爲一身天子之貴士民之賤可使相愛憂患可使
同緩急可使救今也不然天下有不幸而訴其冤如訴
之於天有不得已而謁其所欲如謁之於鬼神公卿大
臣不能究其詳悉而付之於胥吏故凡賄賂先至者朝
請而夕得徒手而來者終年而不獲至於故常之事人

之所當得而無疑者莫不務爲留滯以待請屬舉天下
一毫之事非金錢無以行之昔者漢唐之弊患法不明
而用之不密使吏得以空虛無據之法而繩天下故小
人以無法爲姦今也法令明具而用之至密舉天下惟
法之知所欲排者有小不如法而可指以爲瑕所欲與
者雖有所乖戾而可借法以爲解故小人以法爲姦今
天下所爲多事者豈事之誠多耶史欲有所驚而不得
則新故相仍紛然而不決此王化之所以壅遏而不行
也昔威文之霸百官承職不待教令而辦四方之實至
不求有司左傳襄公三十一年子產相鄭伯以如晉使
曰僑聞文公之爲盟主也諸侯賓至甸設庭燎王猛之
百官之屬各展其物公不置實而亦无廢事治秦事至纖悉莫不盡舉而人不以爲煩蓋史之所記

麻思還冀州請於猛猛曰速裝行矣至暮而符下及出

關郡縣皆已被符其令行禁止而無留事者至于纖悉

莫不皆然晉史王猛傳廣平麻思曰便可速裝是暮已符

卿發遣及始出關郡縣皆已被符攝符堅以戎狄之種

其令行禁整事無留滯皆此類也

至為霸王兵彊國富垂及升平者猛之所為固宜其然

也符堅乃雄之子其祖洪略陽臨渭氏人也其先蓋有

放尸素無罪而不刑無才而不任朕續成熙百今天下

治安大吏奉法不敢顧私而府史之屬招權鬻法長吏

心知而不問以為當然此其弊有二而已事繁而官不

勤故權在胥吏欲去其弊也莫如省事而厲精省事莫

如任人厲精莫如自上率之今之所謂至繁天下之事

關於其中訴者之多而謁者之眾莫如中書與三司天

下之事分于百官而中書聽其治要郡縣錢幣制于轉運使而三司受其會計此宜若不至繁多然中書不待奏課以定其黜陟而關與其事則是不任有司也三司之吏推析贏虛至於毫毛以繩郡縣則是不任轉運也故曰省事莫如任人古之聖王愛日以求治辨色而視朝苟少安焉而至於日出則終日爲之不給以少而言之一日而廢一事一月則可知也一歲則事之積者不可勝數也故欲事之無繁則必勞於始而逸於終晨興而晏罷天子未退則宰相不敢歸安于私第宰相日昃而不退則百官莫不震悚盡力於王事而不敢宴游如此則纖悉隱微莫不舉矣天子求治之勤過于先王而議者不稱王季之晏朝而稱舜之無爲不論文王之日

是而論始皇之量書此何以率天下怠耶臣故曰厲精莫如自上率之則壅蔽決矣

專任使第四

夫吏之與民猶工人之操器易器而操之其始莫不齟齬而不相得是故雖有長才異能之士朝夕而去則不如庸人之父且便也自漢至今言吏治者皆推孝文之時以爲任人不可以倉卒而責成功漢王嘉傳孝文時吏以官爲氏倉氏庫氏則倉庫吏之後也其二千石長吏亦安官樂職然後上下相安莫有苟且之意又其三歲一遷吏不爲長遠之計則其所施設一切出於苟簡此天下之士爭以爲言而臣知其未可以卒行也夫天下之吏惟其病多而未有以處也是以擾擾在此如使五六年或七八年而後遷則將有十年不得調者

矣

漢張釋之傳釋之以貴為駢郎事文

朝廷方將減任

子清冗官

上廟嘉祐中嘗降旨以減省奏薦子孫親戚

奏又再下中書院重行詳定則其行之當有所待而臣以為當今之

弊有甚不可者夫京兆府天下之所觀望而化王政之

所由始也四方之衝兩河之交舟車商賈之所聚金珠

錦綉之所積故其民不知有耕稼織紉之勞富貴之所

移貨利之所眩故其民不知有恭儉廉退之風以書數

為終身之能以府史賤吏為鄉黨之榮故其民不知有

儒學講習之賢夫是以獄訟繁滋而姦不可止為治者

益以苟且而不暇於教化四方觀之使風俗日以薄惡

未始不由此也今夫為京兆者戴星而出見燭而入案

牘咎筆交乎其前拱手而待命者足相躡乎其庭持詞

而求訴者肩相摩乎其門憧憧焉不知其爲誰一訊而去得罪者不知其得罪之由而無罪者亦不知其無罪之實如此則刑之不服赦之不悛獄訟之繁未有已也夫大司農者天下之所以贏虛外計之所從受命也其財賦之出入簿書之交錯縱橫變化足以爲姦而不可推究上之人不能盡知而付之吏吏分職乎其中者以數十百人其耳目足以及吾之所不及是以能者不過粗舉其大綱而不能者惟吏之聽賄賂交乎其門四方之有求者聚乎其家天下之大弊無過此二者臣竊以爲今省府之重其擇人宜精其任人宜久凡今之弊皆不精不久之故何則天下之賢者不可以多得而賢者之中求其治繁者又不可以人人而能也幸而有一人

焉又不久而去夫世之君子苟有志于天下而欲爲長
父之計者則其効不可以朝夕見其始若迂闊而其終
必將有所可觀今暮月不報政則朝廷以爲是無能爲
者不待其成而去之而其翕然見稱于人者又以爲有
功而擢爲兩府然則是爲省府者能與不能皆不得久
也夫以省府之繁終歲不得休息朝廷旣已汲汲而去
之而其人亦莫不汲汲而求去夫胥吏者皆老於其局
長子孫於其中以汲汲求去之人而御長子孫之吏此
其相視如客主之勢宜其姦弊不可得而去也省府之
位不爲卑矣苟有能者而老于此不爲不用矣古之用
人者知其父處於位則時有以賜予勸獎之以厲其心
不聞其驟遷以奪其成効今天下之吏縱未能一槩父

而不遷至于省府亦不可以倉卒而去吏知其久居而
不去也則其欺詐固已少衰矣而其人亦得深思熟慮
周旋於其間不過十年必將有卓然可觀者也

無責難第五

無責難者將有所深責也昔者聖人之立法使人可以
過而不可以不及何則其所求於人者衆人之所能也
天下有能爲衆人之所不能者固無以加矣而不能者
不至於犯法天下如此而猶有犯者然後可以深懲而
決去之由此而言則聖人之所以不責人之所不能者
將以深責乎人之所能也後之立法者異於是責人以
其所不能而其所能者不深責也是以其法不行而其
事不立夫事不可以兩立也聖人知其然是故有所取

必有所捨有所禁必有所寬寬之則其禁必止捨之則其取必得今夫天下之吏不可以人人而知也故使長吏舉之又恐其舉之以私也故使長吏任之他日有敗事則以連坐其過重者其罰均國朝有薦率除受之仍列舉主姓名或在官貪濁不公畏懦不理職務廢闕處斷乖違並量輕重連坐且夫人之難知自堯舜病之矣今日爲善而明日爲惡猶不可保況於十數年之後其幼者已壯壯者已老而猶執其一時之言使同被其罪不已過乎天下之人仕而未得志也莫不勉強爲善以求舉惟其旣已改官而無憂是故蕩然無所不至方其在州縣之中長吏親見其廉謹勤幹之節則其勢不可以不舉而又安知終身之所爲哉故曰今之法責人以其所不能者謂此也

之屬一郡之長察一郡之屬職司者察其屬郡者也此三者其屬無幾耳其貪其廉其寬猛其能與不能不可謂不知也今且有人牧牛羊者而不知其肥瘠是可復以爲牧人欤夫爲長而屬之不知則此固可以罷免而無足惜者今其屬官有罪而其長不即以聞他日有以告者則其長不過爲失察其去官者又以不坐夫失察天下之微罪也職司察其屬郡縣各察其屬此非人之所不能而罰之甚輕亦可怪也今之世所以重發賊吏者何也夫吏之貪者始必詐廉以求舉舉者皆王公貴人其下者亦卿大夫之列以身任之居官者莫不愛其同類等夷之人故其植根牢固而不可動連坐者常六七十人甚者至十餘人此如盜賊質劫良民以求苟免

耳爲法之弊至於如此亦可變已乎如臣之策以職司
守令之罪罪舉官以舉官之罪罪職司守令彼其勢誠
有以督察之臣知貪吏小人無容足之地又何必於舉
官焉難之

無沮善第六

昔者先王之爲天下必使天下欣欣然常有無窮之心
力行不倦而無自棄之意夫惟自棄之人則其爲惡也
甚毒而不可解是以聖人畏之設爲高位重祿以待能
者使天下皆得踴躍自奮拔援而來惟其才之不逮力
之不足是以終不能至於其間而非聖人塞其門絕其
塗也夫然故一介之賤吏閭閻之匹夫莫不奔走於善
至於老死而不知休息此聖人以術驅之也天下苟有

甚惡而不可忍也聖人既已絕之則屏之遠方終身不齒此非獨不仁也以爲既已絕之彼將一旦肆其忿毒以殘害吾良民是故絕之則不用用之則不絕既已絕之又復用之則是驅之於不善而又假之以其具也無所望而爲善無所愛惜而不爲惡者天下一人而已矣以無所望之人而責其爲善以無所愛惜之人而求其不爲惡又付之以人民則天下知其不可也世之賢者何常之有或出於賈孺賤人甚者至於盜賊往往而是而儒生貴族世之所望爲君子者或至於放肆不軌小民之所不若聖人知其然是故不逆定於其始進之時而徐觀其所試之効使天下無必得之由亦無必不可得之道天下知其不可以必得也然後勉強於功名而

不敢僥倖知其不至於必不可得也然後有以自慰其
心久而不懈嗟夫聖人之所以鼓舞天下天下之人日
化而不自知者此其爲術歟後之爲政者則不然與人
以必得而絕之以必不可得此其意以爲進賢而退不
肖然天下之弊莫甚於此今夫制策之及等進士之高
第皆以一日之間而決取終身之富貴此雖一時之文
人而未知其臨事之能否則其用之不已太遽乎天下
有用人而絕之者三州縣之吏苟非有大過而不可復
用則其他犯法皆可使竭力爲善以自贖而今世之法
一陷於罪戾則終身不遷使之不自聊賴而疾視其民
肆意妄行而無所顧惜此其初未必小人也而不幸而陷
於其中途窮而無所入則遂以自棄府史賤吏爲國者

知其不可闕也是故歲久則補以外官以其所從來之卑也而限其所至則其中雖有出群之才終亦不得齒於士大夫之列夫人出身而仕者將以求貴也貴不可得而至矣則將惟富之求此其勢然也如是則雖至於鞭笞戮辱而不足以禁其貪故夫此二者苟不可以遂棄則宜有以少假之也入貲而仕者皆得補郡縣之吏彼知其終不得遷亦將逞一時之欲无所不至夫此誠不可以遷也則是用之之過而已臣故曰絕之則不用用之則不絕此三者之謂也

經進東坡文集事略卷第十六

經進東坡文集事略卷第十七

迪功郎新紹興府嵊縣主簿臣郎

聯上進

進策別中

安萬民六篇

崇教化第七

勸親睦第八

均戶口第九

較賦稅第十

教戰守第十一

去姦民第十二

崇教化第七

夫聖人之於天下所恃以爲牢固不拔者在乎天下之民可與爲善而不可與爲惡也昔者三代之民見危而授命見利而不忘義此非必有爵賞勸乎其前而刑罰驅乎其後也其心安於爲善而忸怩於不義

孔安國云忸怩心慙

也是故有所不爲夫民知有所不爲則天下不可以敵
甲兵不可以威利祿不可以誘可殺可辱可飢可寒而
不可與叛此三代之所以享國長久而不拔也及至秦
漢之際其民見利而忘義見危而不能授命法禁之所
不及則巧僞變詐無所不爲疾視其長上而幸其災因
之以水旱加之以盜賊則天下蕩然無復天子之民矣
世之儒者常有言曰三代之時其所以教民之具甚詳
且密也學校之制射鄉之節冠昏喪祭之禮粢然莫不
有法及至後世教化之道衰而盡廢其具是以若此無
耻也然世之儒者蓋亦嘗試以此等教天下之民矣而
卒以無效使民好文而益媮飾詐而相高則有之矣此
亦儒者之過也臣愚以爲若此者皆好古而無術知有

教化而不知名實之所存者也實者所以信其名而名者所以求其實也有名而無實則其名不行有實而無名則其實不長凡今儒者之所論皆其名也昔武王既克商散則發粟使天下知其不貪禮下賢俊使天下知其不驕封先聖之後樂記云武王克商未及下車而封封帝舜之後於陳下車而封夏禹之後於宋使天下知其仁誅飛廉惡來史記秦本紀大廉生惡來惡來有子蜚廉善走父子俱以材力事紂周使天下知其義如此則其教化天下之實固已立矣天下聳然皆有忠信廉恥之心然後文之以禮樂教之以學校觀之以射鄉而謹之以冠昏喪祭民是以目擊而心諭安行而自得也及至秦漢之世專用法吏以督責其民至于今千有餘年而民曰以

貪冒嗜利而無耻儒者乃始以三代之禮所謂名者而
繩之彼見其登降揖遜盤辟俯僂之容則掩口而竊笑
聞鍾鼓管磬希夷嘽緩之音則驚顧而不樂如此而欲
望其遷善遠罪不已難乎臣愚以爲宜先其實而後其
名擇其近於人情者而先之今夫民不知信則不可與
久居於安民不知義則不可與同處於危平居則欺其
吏而有急則叛其君此教化之實不至天下之所以無
變者幸也欲民之知信則莫若務實其言欲民之知義
則莫若務去其貪往者西河用兵而家人子弟皆籍以
爲軍其始也官告以權時之宜非久役者事已當復爾
業少焉皆刺其額無一人得免自寶元以來諸道以兵
興爲辭而增賦者至今皆不爲除去夫如是將何以止

民之詐欺哉夫所貴乎縣官之尊者爲其恃於四海之富而不爭於錐刀之末也其與民也優其取利也緩古之聖人不得已而取則時有所置以明其不貪何者小民不知其說而惟貪之知今雞鳴而起百工雜作匹夫入市操挾尺寸吏且隨而稅之扼腕拊背以收絲毫之利古之設官者求以裕民今之設官者求以勝之賦歛有常限而以先期爲賢出納有常數而以羨息爲能天地之間苟可以取者莫不有禁求利太廣而用法太密故民日趨於貪臣愚以爲難行之言當有所必行而可取之利當有所不取以教民信而示之義若曰國用不足而未可以行則臣恐其失之多於得也

勸親睦第八

夫民相與親睦者王道之始也昔三代之制畫為井田
使其比閭族黨各相親愛有急相賙有喜相慶死喪相
恤疾病相養周禮地官大司徒之職令五家為比使之
相保五比為閭使之相受四閭為族使之
相葬五族為黨使之相救是故其民安居無事則往來歡欣而獄訟
不生有寇而戰則同心并力而緩急不離自秦漢以來
法令峻急使民乖其親愛歡欣之心而為隣里告訐之
俗史記秦紀云衛鞅定變法之令令民為什伍而相
收司連坐不告姦者斬告姦者與斬敵首同賞富
人子壯則出分貧人子壯則出贅賈誼治安策云秦人
貧子壯則出贅師古曰謂之贅婿者言其不當
出在妻家亦猶人身身之有疣贅非應所有也一國之
俗而家各有法一家之法而人各有心紛紛乎散亂而
不相屬是以禮義之風息而爭鬪之獄繁天下無事則
務為欺詐相傾以自成天下有變則流徙渙散相棄以

自存嗟夫秦漢以下天下何其多故而難治乎此無他
民不愛其身故輕犯法輕犯法則王政不行欲民之愛
其身則莫若使其父子親兄弟和而妻子相好夫民仰
以事父母旁以睦兄弟而俯以卹妻子則其所賴於生
者重而不忍以其身輕犯法三代之政莫尚於此矣今
欲教民和親則其道必始於宗族臣欲復古之小宗以
收天下不相親屬之心古有大宗有小宗故禮曰別子
爲祖繼別爲宗繼禰者爲小宗有百世不遷之宗有五
世則遷之宗百世不遷者別子之後也宗其繼別子之
所自出者百世不遷者也其繼高祖者五世則遷者也
古者諸侯之子弟異姓之卿大夫始有家者不敢禰其
父而自使其適子爲之則爲大宗族人宗之雖百世而

宗子死則為之服齊衰九月故曰宗其繼別子之所自
出者百世不遷者也別子之庶子又不得禰別子而自
使其適子為後別為小宗小宗五世之外則無服其繼
禰者親兄弟為之服其繼祖者從兄弟為之服其繼曾
祖者再從兄弟為之服其繼高祖者三從兄弟為之服
其服大功九月而高祖以外親盡則易宗故曰宗其繼
高祖者五世則遷者也小宗四有繼高祖者有繼曾祖
者有繼祖者有繼禰者與大宗為五此所謂五宗者也
大傳注疏云別子為祖謂諸侯適子之弟別於正適故
稱別子也此為祖者別與後世為始祖謂此別子之子孫為
卿大夫立此別子為始祖與後世為始祖謂此別子之子孫
子常繼別子與族人為庶子所生長子繼此庶子與兄弟
為謂別子之庶子以庶子所生長子繼此庶子與兄弟
小宗也五世不遷謂上從高祖下至元孫之五世則遷之宗
子則合遷視不得與族大為宗故云有五世則遷之宗

其或繼高祖或繼曾祖或繼祖或繼祢者以別子之後
族人多或從兄弟為宗或有繼祖者與同堂兄弟為宗
祖者與再從兄弟為宗或有繼祖者與同堂兄弟為宗
或有繼祢者與再從兄弟為宗或有繼祢者與再從兄弟
曾祖者與再從兄弟為宗或有繼祢者與再從兄弟為宗
五世是皆五世不復與四從兄弟為宗故繼祢者與再
各自隨近相宗又云所宗適則如大宗死為之大宗九月
衰九月無適而宗廢則如小宗死為之大宗九月
者立宗之道適子既為宗則其庶子之適子又各為其
庶子之宗其法止於四而其實無窮自秦漢以來天下
無世卿大宗之法不可以復立而其可以收合天下之
宗者有小宗之法存而莫之行此甚可惜也今夫天下
所以不重族者有族而無宗也有族而無宗則族不可
合族不可合則雖欲親之而無由也族人而不相親則
忘其祖矣今世之公卿大臣賢人君子之後所以不能
世其家如古之久遠者其族散而忘其祖也故莫若復

小宗使族人相率而尊其宗子宗子死則爲之加服犯之則以其服坐貧賤不敢輕而富貴不敢以加之冠昏必告喪葬必赴此非有所難行也今夫良民之家士大夫之族亦未必無孝悌相親之心而族無宗子莫爲之糾率其勢不得相親是以世之人有親未盡而不相往來冠昏不相告死不相赴而無知之民遂至於父子異居而兄弟相訟然則王道何從而興乎嗚呼世人之患在於不務遠見古之聖人合族之法近于迂闊而行之朞月則望其有益故夫小宗之法非行之難而在乎久而不怠也天下之民欲其忠厚和柔而易治其必曰自小宗始矣

均戶口第九

夫中國之地足以養中國之民有餘也而民常病於不足何哉地無變遷而民有聚散聚則爭於不足之中而散則棄於有餘之外是故天下常有遺利而民用不足昔者三代之制度地居民民各以其夫家之衆寡而受田于官一夫而百畝民不可以多得尺寸之地而地亦不可以多得一介之民故其民均而地有餘當周之時四海之內地方千里者九而京師居其一有田百同而爲九百萬夫之地山林陵麓川澤溝瀆城郭宮室涂巷三分去一爲六百萬夫之地又以上中下田三等而通之以再易爲率則王畿之內足以食三百萬之衆

注云王畿內方千里積百同九百萬夫之地也有山陵林麓川澤溝瀆城郭宮室涂巷三分去一餘六百萬夫又以田不易一易再易上中下以九州言之則是二千

相通定受田者三百萬家也

七百萬夫之地也而計之以下農夫一夫之地而食五
人則是萬有三千五百萬人可以給於其中當成康刑
措之後其民極盛之時九州之籍不過千三萬四千有
餘夫地以十倍而民居其一故穀常有餘而地力不耗
何者均之有術也自井田廢而天下之民轉徙無常惟
其所樂則聚以成市側肩躡足以爭尋常左傳成公十
二年晉郤至
日單尋常以盡其民注
云八尺曰尋倍尋曰常挈妻負子以分升合雖有豐年
而民無餘蓄一遇水旱則弱者散于天下而強者聚為
盜賊地非不足而民非加多也蓋亦不得均民之術而
已夫民之不均其弊有二上之人賤農而貴末忽故而
重新則民不均夫民之為農者莫不重遷其墳墓廬舍
桑麻果蔬牛羊耒耜皆為子孫百年之計惟其百工伎

藝無事種藝游手浮食之民然後可以懷輕資而極其所往是故上之人賤農而貴末則農民捨其耒耜而游於四方擇其所利而居之其弊一也凡人之情怠於久安而謹於新集水旱之後盜賊之餘則必省刑罰薄稅歛輕力役以懷逋逃之民而其久安而無變者則不肯無故而加卹是故上之人忽故而重新則其民稍稍引去聚于其所重之地以至于衆多而不能容其弊二也臣欲去其二弊而開其二利以均斯民昔者聖人之興作也必因人之情故易爲功必因時之勢故易爲力今欲無故而遷徙安居之民分多而益寡則怨謗之門盜賊之端必起於此未享其利而先被其害臣愚以爲民之情莫不懷土而重去惟士大夫出身而仕者狃於遷

徙之樂而忘其鄉昔漢之制吏二千石皆徙諸陵宣帝紀元
徙康元年春以杜東原上為初陵更名杜縣為杜陵為今
徙丞相將軍列侯吏二千石皆百萬者於杜陵
之計可使天下之吏仕至某者皆徙荆襄唐鄧許汝陳
蔡之間士大夫無不樂居於此者故恐獨往而不能濟
彼見其儕類等夷之人莫不在焉則其去惟恐後耳此
其所謂因人之情夫天下不能歲歲而豐也則必有饑
饉流亡之所民方其困急時父子且不能相顧又安知
去鄉之為戚哉當此之時募其樂徙者而使所過廩之
費不甚厚而民樂行此所謂因時之勢然此二者皆授
其田貸其耕耘之具而緩其租然後可以固其意夫如
是天下之民其庶乎有息肩之漸也

較賦稅第十

自兩稅之興因地之廣狹瘠腴而制賦因賦之多少而制役其初蓋甚均也唐開元以來有租賦庸調法自開元以來有租賦庸調法德宗朝乃請為均稅德宗朝乃請為均稅先度其數而賦於人量出制入先度其數而賦於人量出制入無丁中其田畝之稅率以大曆十四年墾田之數無丁中其田畝之稅率以大曆十四年墾田之數為准而均收之其田畝之稅率以大曆十四年墾田之數為准而均收之其田畝之稅率以大曆十四年墾田之數賦增失進退長吏而尚書度支擬焉賦增失進退長吏而尚書度支擬焉議者以為租庸令議者以為租庸令聽天下果改帝不責之厚賦則其財足以供責之重役則聽天下果改帝不責之厚賦則其財足以供責之重役則其力足以堪何者其輕重厚薄一出於地而不可易也其力足以堪何者其輕重厚薄一出於地而不可易也戶無常賦視地以為賦人無常役視賦以為役是故貧戶無常賦視地以為賦人無常役視賦以為役是故貧者鬻田則賦輕富者加地則役重此所以度民力之所者鬻田則賦輕富者加地則役重此所以度民力之所勝亦所以破兼井之門而塞僥倖之原也及其後世歲勝亦所以破兼井之門而塞僥倖之原也及其後世歲月既久則小民稍稍為姦度官吏耳目之所不及則雖月既久則小民稍稍為姦度官吏耳目之所不及則雖有法禁公行而不忘今夫一戶之賦官知其為賦之多

少而不知其爲地之幾何也如此則增損出入惟其意之所爲官吏雖明法禁雖嚴而其勢無由以止絕且其爲姦常起於貧易之際夫鬻田者必窮迫之人而所從鬻者必富厚有餘之家富者恃其有餘而邀之貧者迫於飢寒而欲其速售是故多取其地而少入其賦有田者方其窮困之中苟可以緩一時之急則不暇計其他日之利害故富者地日以益而賦不加多貧者地日以削而賦不加少又其姦民欲計免其賦役者割數畝之地加之以數倍之賦而收其少半之直或者亦貪其直之微而取焉是以數十年來天下之賦大抵淆亂有兼并之族而賦甚輕有貧弱之家而不免於重役以至於破敗流移而不知其所往其賦存而其人亡者天下皆

是也夫天下不可以有僥倖也天下有一人焉僥倖而免則亦未必一人焉不幸而受其弊今天下僥倖者如此之衆則其不幸而受弊者從可知矣三代之賦以什一爲輕今之法本不至於什一而取然天下嗷嗷然以賦歛爲病者豈其歲久而姦生偏重而不均以至於此歟雖然天下皆知其爲患而不能去何者勢不可也今欲按行其地之廣狹瘠腴亦將一切出於其意之喜怒而其患益深是故士大夫畏之而不敢議而臣以爲此最易見者顧弗之察耳夫易田者必有契契必有所直之數其所直之數必得其廣狹瘠腴之實而官必據其所直之數而收其易田之稅是故欲知其地之廣狹瘠腴可以其稅推也久遠者不可復知矣其數年之間皆

足以推較求之故府猶可得而見苟其稅多者則知其直多其直多者則知其田多且美也如此而其賦少其役輕則夫人亡而賦存者可以有均矣鬻田者皆以其直之多少而給其賦重爲之禁而使不敢以不實之直而書之契則夫自今以往者賀易之際爲姦者其少息矣要以知凡地之所直與凡賦之所宜多少而以稅叅之如此則一持籌之吏坐於帳中足以周知四境之虛實不過數月而民得以少蘇不然十數年之後將不勝其弊重者日以輕輕者日以重而未知其所終也

教戰守第十一

夫當今生民之患果安在哉在於知安而不知危能逸而不能勞此其患不見於今而將見於他日今不爲之

計其後將有所不可救者昔者先王知兵之不可去也
是故天下雖平不敢忘戰秋冬之隙致民田獵以講武
教之以進退坐作之方周官大司馬之職中秋教治兵如振旅之陳遂以備田如蒐田
之法中冬教大閱前期使其耳目習於鍾鼓旌旗之間
而不亂使其心志安於斬刈殺伐之際而不懼是以雖
有盜賊之變而民不至於驚潰及至後世用迂儒之議
以去兵爲王者之盛節天下既定則卷甲而藏之數十
年之後甲兵頓弊而人民日以安於佚樂卒有盜賊之
警則相與恐懼訛言不戰而走開元天寶之際天下豈
不大治惟其民安於太平之樂豢於游戲酒食之間其
剛心勇氣消耗鈍眊痿蹇而不復振是以區區之祿山
一出而乘之四方之民獸奔鳥竄乞爲囚虜之不暇

內或承平百姓累世不識兵革粹聞范陽兵起遠近震
駭或開門出迎或棄城窟匿或爲所擒戮無敢拒之者
事見錄天下分裂而唐室固以微矣肅宗雖能克復兩
京而河朔之地竟
山傳爲藩鎮所分裂迄蓋嘗試論之天下之勢譬如一身王
于唐亡終不能取公貴人所以養其身者豈不至哉而其平居常苦於多
疾至於農夫小民終歲勤苦而未嘗告病此其故何也
夫風雨霜露寒暑之變此疾之所由生也農夫小民盛
夏力作而窮冬暴露其筋骸之所衝犯肌膚之所浸漬
輕霜露而狎風雨是故寒暑不能爲之毒今王公貴人
處於重屋之下出則乘輿風則襲裘雨則御蓋凡所以
慮患之具莫不備至畏之太甚而養之太過小不如意
則寒暑入之矣是故善養身者使之能逸而能勞步趨
動作使其四體徃於寒暑之變然後可以剛健強力涉

險而不傷夫民亦然今者治平之日久天下之人驕惰
脆弱如婦人孺子不出於閨門論戰鬪之事則縮頸而
股慄聞盜賊之名則掩耳而不願聽而士大夫亦未嘗
言兵以爲生事擾民漸不可長此不亦畏之太甚而養
之太過歟且夫天下固有意外之患也愚者見四方之
無事則以爲變故無自而有此亦不然矣今國家所
以奉西北之虜者歲以百萬計奉之者有限而求之者
無厭此其勢必至於戰戰者必然之勢也不先於我則
先於彼不出於西則出於北所不可知者有遲速遠近
而要以不能免也天下苟不免於用兵而用之不以漸
使民於安樂無事之中一旦出身而蹈死地則其爲患
必有不測故曰天下之民知安而不知危能逸而不能

勞此臣所謂大患也臣欲使士大夫尊尚武勇講習兵
法庶人之在官者教以行陣之節役民之司盜者授以
擊刺之術每歲終則聚於郡府如古都試之法漢制材官常以秋後非官課試故韓延壽之守東郡行都試之法以修武備事見本傳有勝負有賞罰
而行之既久則又以軍法從事然議者必以爲無故而
動民又撓以軍法則民將不安而臣以爲此所以安民
也天下果未能去兵則其一旦將以不教之民而驅之
戰夫無故而動民雖有小恐然孰與夫一旦之危哉今
天下屯聚之兵驕豪而多怨陵壓百姓而邀其上者何
故此其心以爲天下之知戰者惟我而已如使平民皆
習於兵彼知有所敵則固已破其姦謀而折其驕氣利
害之際豈不亦甚明歟

去姦民第十二

自昔天下之亂必生於治平之日休養生息而姦民得容於其間蓄而不發以待天下之釁至於時有所激勢有所乘則潰裂四出不終朝而毒流於天下聖人知其然是以嚴法禁督官吏以司察天下之姦民而去之夫大亂之本必起於小姦惟其小而不足畏是故其發也常至於亂天下今夫世人之所憂以爲可畏者必曰豪俠大盜此不知變者之說也天下無小姦則豪俠大盜無以爲資且其治平無事之時雖欲爲大盜將安所容其身而其殘忍貪暴之心無所發洩則亦時出爲盜賊聚爲博奕羣飲於市肆而叫號於郊野小者呼雞逐狗大者椎牛發冢無所不至捐父母棄妻孥而相與遊戲

凡此者舉非小盜也天下有釁鋤耕不務相率而剽奪者皆嚮之小盜也昔三代之聖王果斷而不疑誅除擊去無有遺類所以擁護良民而使安其居及至後世刑法日以深嚴而去姦之法乃不及於三代何者待其敗露自入於刑而後去也夫爲惡而入於刑者固已衆矣有終身爲不義而其罪不可指名以附於法者有巧爲規避持吏短長而不可詰者又有因緣幸會而免者如必待其自入於刑則其所去者無幾耳昔周之制民有罪惡未麗於法而害於州里者桎梏而坐諸嘉石重罪役之暮以次輕之其下罪三月役使州里任之然後宥而舍之

周官大司寇以嘉石平罷民凡萬民之有罪過而末麗於法而害於州里者桎梏而坐諸嘉石役諸司空重罪旬有三日坐暮役其次九日坐九月役其次七日坐七月役其次五日坐五月役其次三日

坐三月役使州里左之則省而舍之法云嘉其化之不
從威之不格惠苦其鄉之民而未入於五刑者謂之罷
民比罷民不使冠帶而加明刑任之以事而不齒於鄉
黨大司寇云以國上聚教罷民凡害人者實之國士而
年周官司獄以明刑耻之其能改者反于中國不齒三
節而書其罪惡之狀若之背也國士獄城也其由是觀
之則周之盛時日夜整齊其人民而鋤去其不善譬如
獵人終日馳驅踐蹂於草茅之中搜求伏兔而搏之不
待其自投於網羅而後取也夫然後小惡不容於鄉大
惡不容於國禮樂之所以易化而法禁之所以易行者由
此之故也今天下久安天子以仁恕為心而士大夫一
切以寬厚為稱上意而懦夫庸人又有所僥倖務出罪
人外以邀雪寃之賞而內以待陰德之報臣是以知天

下頗有不誅之姦將爲子孫憂宜明勅天下之吏使以
歲時糾察凶民而徙其尤無良者不必待其自入於刑
而間則命使出按郡縣有子不孝有弟不悌好訟而數
犯法者皆誅無赦誅一鄉之姦則一鄉之人悅誅一國
之姦則一國之人悅要以誅寡而悅衆則雖舜亦如此
而已矣天下有三患而蠻夷之憂不與焉有內大臣之
變有外諸侯之叛有匹夫羣起之禍此三者其勢常相
持內大臣有權則諸侯弱外諸侯強則匹夫羣起之禍
不作今者內無權臣外無強諸侯而萬世之後其尤可
憂者姦民也臣故曰去姦民以爲安民之終云

經

進東坡文集事略卷第十七

經進東坡文集事略卷第十八

迪功郎新紹興府嵊縣主簿呂頤 曠 上進

進策別下

厚貨財別二篇

省費用第十三

定軍制第十四

訓軍旅別三篇

蓄材用第十五

練軍實第十六

倡勇敢第十七

省費用第十三

夫天下未嘗無財也昔周之興文王武王之國不過百

里當其受命四方之君長交至於其廷史記周本紀諸侯聞震苗之人

俱遜而夫曰西伯蓋受命之君故諸侯皆來決軍旅四

平云武王渡河不期而會盟津者八百諸侯

出以征伐不義之諸侯

本紀云西伯伐天戎伐密須敗昔國伐崇侯武王亦滅國五十

而未嘗患無財方此之時關市無征而山澤不禁取於民者不過什一而財有餘及其衰也內食千里之租外收千八百國之貢而不足於用由此觀之夫財豈有多少哉人君之於天下俯已以就人則易爲功仰人以援已則難爲力是故廣取以給用不如節用以廉取之爲易也臣請得以小民之家而推之夫民方其窮困時所望不過十金之資妻子之奉出入於十金之中寬然而有餘及其一旦稍稍蓄聚衣食既足則心意之欲日以漸廣所入益衆而所欲益以不給不知罪其用之不節而以爲求之未至也是以富而愈貪求愈多而財愈不供此其爲惑未可以知其所終也蓋亦反其始而思之

夫嚮者豈能寒而不衣飢而不食乎今天下汲汲乎以財之不足為病者何以異此國家創業之初四方割據中國之地至狹也然歲歲出師以誅討僭亂之國南取荆楚太祖乾德四年二月王師入荆南高繼冲請奉四縣五十八家太祖開寶四年十一月王師入荆南高繼冲請奉劉綰以獻嶺南平得州開寶四年十一月王師入荆南高繼冲請奉西平巴蜀太祖乾德二年王師入荆南高繼冲請奉三年正月十三日王師入荆南高繼冲請奉凡出師六十六日王師入荆南高繼冲請奉八東下并潞太祖乾德二年王師入荆南高繼冲請奉太宗太平興國四年二月王師入荆南高繼冲請奉州十縣四十一城城徽懷劉繼元始上表納欵河東平得元年四月昭義軍節度使李筠叛五月車駕親征澤潞王師環城筠赴火其費用之多又百倍於今可知也然天下之士未嘗思其始而惴惴焉患今世之不足則亦

甚惑矣夫爲國有三計有萬世之計有一時之計有不
終月之計古者三年耕必有一年之所以三十年之通
計則可以九年而無飢也歲之所入足用而有餘是以
九年之蓄常閑而無用卒有水旱之變盜賊之憂則官
可以自辦而民不知王制云國無九年之蓄曰不足無
六年之蓄曰急無三年之蓄曰國
非其國也三年耕必有一年之蓄曰急無三年之蓄曰國
年之食以三十年之通雖有凶旱水溢民無菜色如此
者天不能使之災地不能使之貧四海盜賊不能使之
困此萬世之計也而其不能者一歲之入纔足以爲一
歲之出天下之產僅足以供天下之用其平居雖不至
于虐取其民而有急則不免於厚賦故其國可靜而不
可動可逸而不可勞此亦一時之計也至于最下而無
謀者量出以爲入用之不給則取之益多天下晏然無

太患難而盡用衰世苟且之法不知有急則將何以加之此所謂不終月之計也今天下之利莫不盡取山陵林麓莫不有禁關有征市有租鹽鐵有推酒有課茶有筭九衰世苟且之法莫不盡用矣譬之於人其少壯之時豐健勇武然後可以望其無疾以至於壽考今未五六十而衰老之候具見而無遺若八九十者將何以待其後耶然天下之人方且窮思竭慮以廣求利之門且人而不急則以爲費用不可復省使天下而無鹽鐵酒茗之稅將不爲國乎臣有以知其不然也天下之費固有去之甚易而無損存之甚難而無益者矣臣不能盡知請舉其所聞而其餘可以類求焉夫無益之費名重而實輕以不急之實而被之以莫大之名是以疑而不

敢去三歲而郊郊而赦赦而賞此縣官有不得已者天
下吏士數日而待賜此誠不可以盡去至于大吏所謂
股肱耳目與縣官同其憂樂者此豈亦不得已而有所
畏耶因朝九郊祀每至禮戎頒費羣臣衣帶鞍馬器幣
下泊軍校絲帛有差舊式宰臣樞密使銀二千兩
約二千五百匹參知政事樞密副使各
一千五百匹兩其他各有定數天子有七廟子七廟
三昭三穆与太
祖之廟而七今又飾老佛之宮而為之祠固已過矣
又使大臣以使領之歲給以巨萬計此何為者也真宗
大中
祥符五年十一月宰臣王旦加門下侍郎充玉清昭應
宮使其他如會靈觀祥源觀萬壽觀之類皆命大臣領
天下之吏為不少矣將患未得其人苟得其人則凡
民之利莫不備舉而其患莫不盡去今河水為患不使
濱河州郡之吏親視其災而責之以救災之術徒為都
水監仁宗嘉祐三年十月二十二日詔置在京都水
監九内外河渠之事悉以委之時朝廷欲修水官

故專置此監以代三司河渠司事欲重其任以御史知雜呂景初判監事後亦不常其官夫四方之
水患豈其一人坐籌於京師而盡其利害天下有轉運
使是矣今江淮之間又有發運國朝置淮南江浙荆湖
路都大發運使都監以
割官以上或諸司使尤仍兼制置本路茶鹽礬稅掌經
度山澤稅賦及旗漕儲粟以佐京師之用後就淮南創
使祿賜之厚徒兵之衆其爲費豈勝計哉蓋嘗聞之里
有蓄馬者患牧人欺之而盜芻菽也又使一人焉爲之
厩長厩長立而馬益癯今爲政不求其本而治其末自
是而推之天下無益之費不爲不多矣臣以爲亢若此
者日求而去之自毫厘以往莫不有益惟無輕其毫厘
而積之則天下庶乎少息也

定軍制第十四

自三代之衰井田廢兵農異處兵不得休而爲民民不

得息肩而無事於兵者千有餘年而未有如今日之極
者也三代之制不可復追矣至於漢唐猶有可得而言
者夫兵無事而食則不可使聚聚則不可使無事而食
此二者相勝而不可並行其勢然也今夫有百頃之閑
田則足以牧馬千駟而不知其費聚千駟之馬而輸百
頃之芻則其費百倍此易曉也昔漢之制有踐更之卒
漢昭紀更賦注云更有三品有卒更有踐更有過更古
者正卒無常入皆當迭為之一月一更足為卒更食者
欲得雇更錢者次直者出錢在之月三十是謂踐更也
行皆當自戌三日不可往便還因付一歲一更諸不行
者出錢三百入官官以而無營田之兵雖皆出於農夫
給戌者是為過更也而方其為兵也不知農夫之事是故郡縣無常屯之兵
而京師亦不過有南北軍期門羽林而已漢制京師自
南北軍北軍掌
期門下機行行後遂以各官羽林亦宿衛之官言其如

羽之疾如林之多也一說邊境有事諸侯有變皆以虎

符調發郡國之兵文帝紀二年九月初與郡守為銅虎符注云銅虎符第一至第五國家當

發兵遣使者至郡合符乃聽受至于事已而兵休則渙然各復其故

是以其兵雖不知農而天下不至于弊者未嘗聚也唐

有天下置十六衛府兵唐志云府兵之制起自西魏後周而備於隋唐與因之隋制

為十六衛唐增天下之府八百餘所而屯于關中者至有

五百陸宣公奏議云太宗列置府兵分隸禁衛大然皆

無事則力耕而積穀周衰王制壞而不復至於府兵始

於農之寓之不惟以自贍養而又有以廣縣官之儲是以其

兵雖聚于京師而天下亦不至于弊者未嘗無事而食

也今天下之兵不耕而聚于京畿三輔者漢百官公卿表云右扶風

與左馮翊京兆尹是為三輔皆治長以數十萬計皆給

安城中政後世言京畿者多稱之

於縣官有漢唐之患而無漢唐之制擇其偏而兼用之
是以兼受其弊而莫之分也天下之財近自淮甸而遠
至于吳蜀九舟車所至人力所及莫不盡取以歸于京
師晏然無事而賦歛之厚至于不可復加而三司之用
猶苦其不給其弊皆起於不耕之兵聚于內而食四方
之貢賦非特如此而已又有循環往來屯戍于郡縣者
昔建國之初所在分裂擁兵而不服太祖太宗躬
擐甲胄力戰而取之既降其君而籍其疆土矣然故基
餘孽猶有存者上之人見天下之難合而恐其復發也
於是出禁兵以戍之大小藩府而小至子縣鎮往往皆
有京師之兵兵志云太祖太宗以雄略英武平一
邊防外藩及川廣之屬鎮兵屯守者由此觀之則是天
自京師而遣故有駐泊屯駐之名

下之地一尺一寸皆天子自爲守也而可以長久而不變乎費莫大於養兵養兵之費莫大於征行今出禁兵而戍郡縣遠者或數千里其月廩歲給之外又日供其芻粟三歲而一遷往者紛紛來者纍纍雖不過數百爲輩而要其歸無以異於數十萬之兵三歲而一出征也農夫之力安得不竭餽運之卒安得不疲且今天下未嘗有戰鬪之事武夫悍卒非有勞伐可以邀其上之人然皆不得爲休息閑居無用之兵者其意以爲天子出戍也是故美衣豐食開府庫輦金帛若有所負一逆其意則欲羣起而噪呼此何爲者也天下一家且數十年矣民之戴君至于海隅無以異於畿甸亦不必舉疑四方之兵而專信禁兵也曩者蜀之有均賊與近歲貝州

之亂未必非禁兵致之

貞宗咸平三年正月神南軍成

陽懷忠等討平之仁宗慶曆七年十一月具州宣毅

東平郡王改元德聖朝廷命州刺史張岳十吉主具謀遂借号

臣愚以為郡縣之土兵可以漸訓而陰奪其權則禁兵

可以漸省而無用天下武健豈有常所哉山川之所集

風氣之所咻四方之民一也昔者戰國常用之矣蜀人

之怯懦吳人之短小皆嘗以抗衡于上國如諸葛亮周

吳蜀之兵又安得禁兵而用之今之士兵所以鈍弊劣

弱而不振者彼見郡縣皆有禁兵而待之異等是以自

弃于賤隸役夫之間而將吏亦莫之訓也苟禁兵可以

漸省而以其資糧益優郡縣之士兵則彼固已懼忻踴

躍出于意外戴上之恩而願效其力又何遽不如禁兵

耶夫土兵日以多禁兵日以少天子扈從擇城之外無所復用如此則內無長聚仰給之費而外無遷徙供餽之勞費之省者又以過半矣

訓兵旅

蓄材用第十五

夫今之所患兵弱而不振者豈士卒寡少而不足使歟器械殫弊而不足用歟抑爲城郭不足守歟廩食不足給歟此數者皆非也然所以弱而不振則是無材用也夫國之有材譬如山澤之有猛獸江河之有蛟龍伏乎其中而威乎其外悚然有所不可狎者至于鱗蜃之所蟠非豚之所伏雖千仞之山百尋之溪而人易之何則其見于外者不可欺也天下之大不可謂無人朝廷之

尊百官之富不可謂無材然以區區之二虜聚數州之
 衆以臨中國抗天子之威犯天下之怒而其氣未嘗少
 衰其詞未嘗少挫則是其心無所畏也主憂則臣辱主
 辱則臣死春秋云越王勾踐反國五年徵召羣臣
 臣皆傳秦昭王臨朝太息應侯昨曰臣聞主憂臣辱臣死又史記
 之上不能無憂而大臣恬然未有拒絕之議非不欲絕
 也而未有以待之則是朝廷無所恃也緣邊之民西顧
 而戰慄牧馬之士不敢彎弓而北嚮吏士未戰而先期
 於敗則是民輕其上也外之蠻夷無所畏內之朝廷無
 所恃而民又自輕其上此猶足以爲有人乎天下未嘗
 無材患所以求材之道不至古之聖人以無益之名而
 致天下之實以可見之實而較天下之虛名二者相爲

用而不可廢是故其始也天下莫不紛然奔走從事於其間而要之以其終不肖者無以欺其上此無它先名而後實也不先其名而惟實之求則來者寡來者寡則不可以有所擇以一旦之急而用不擇之人則是不先名之過也天子之所嚮天下之所奔也今夫孫吳之書孫武齊人嘗著兵書十三篇其讀之者未必能戰也如吳起衛人嘗著兵書六篇其讀之者未必能戰也如合變遂敗於長平之類多言之士喜論兵者未必能用也如唐史李元平好論兵及牛汝州遂為李希烈所擒之類進之以武舉試之以騎射天下之奇才未必至也然將以求天下之實則非此三者不可以致以為未必然而弃之則是其必然者終不可得而見也往者西師之興仁宗寶元東元間趙元昊叛故西鄒與師其先也惟不以虛名多致天下之材而擇之以待一旦

之用故其兵興之際四顧惶惑而不知所措於是設武

舉募方略收勇悍之士而開猖狂之言不愛高爵重賞

以求強兵之術寶元三年二月十八日詔自今武舉人

定元年九月二十七日命翰林李士丁度西上閣門使

李端愿等同共試驗武舉中選者百八十八人康定元年

正月乙酉詔陝西川軍有勇敢智謀之士藏西賊情偽

與山川要害攻取方略者悉詣所在自陳津遣赴京師

繼而又詔京朝官選人三班使臣有文武器

幹者並許經所屬官司同自陳當量材試用

天下囂然莫不自以為知兵也來者日多而其言益以

無據至於臨事終不可用執事之臣亦遂厭之而知其

無益故兵休之日從而廢之仁廟皇祐元年九月五日

所練習者率繼掖諸生編戶年少紛紛然相效焉之愈多

宜罷試於兵謀俾專錄於儒術其將來科場武舉人曾

經秘閣考試者即許投下文外更不

許新人取應以後科場今罷武舉一科

今之論者以謂

武舉方略之類適足以開僥倖之門而天下之實才終

不可以求得此二者皆過也夫既已用天下之虛名而
不較之以實至其弊也又舉而廢其名使天下之士不
復以兵術進亦已過矣天下之實才不可以求之於言
語又不可以較之於武力獨見之於戰耳戰不可得而
試也是故見之於治兵子玉治兵於蔿終日而畢鞭七
人貫三人耳蔿為賈觀之以為剛而無禮知其必敗左傳
二十七年秋楚子將圍宋使子文治兵於蔿終日而畢鞭七人貫三人
耳國老皆賀子文飲之酒蔿而無禮不可治民過
三百東其對曰不知所賀子玉剛而無禮不可治民過
入而賈何後之有賈音官孫武始見試以婦人而猶足
以取信於闔廬使知其可用史記孫子傳吳王闔廬謂
對曰可闔廬曰可試以婦人乎曰可以於是以出宮中美人
皆令持戟人孫子分爲二隊以王之寵姬二人各為隊長
之孫子曰前則視心左視左手右視右手後即視背婦

人曰諾即三令五申之於是是鼓之右婦人大笑孫子復
今五申而鼓之左婦人復大笑孫子斬隊長二人以
拘用其大為隊長於是復鼓之婦人左右前後號哭皆
中用矩繩墨無敢出聲於是闔戶知孫子能用兵卒以
為故凡欲觀將帥之才否莫如治兵之不可欺也今夫
新募之兵驕豪而難令勇悍而不知戰此真足以觀天
下之才也武率方略之類以來之新兵以試之觀其顏
色和易則足以見其氣約束堅明則足以見其威坐作
進退各得其所則足以見其能凡此者皆不可強也故
曰先之以無益之虛名而較之以可見之實庶乎可得
而用也

練軍實第十六

三代之兵不待擇而精其故何也兵出于農有常數而
無常人國有事要以一家而備一正卒地官小司徒過

人一家一如斯而已矣是故老者得以養疾病者得以爲閑
民而役於官者莫不皆其壯子弟故其無事而田獵則
未嘗發老弱之民兵行而餽糧則未嘗食無用之卒使
之足輕險阻而手易器械聰明足以察旗鼓之節強銳
足以犯死傷之地千乘之衆而人人足以自捍故殺人
少而成功多費用省而兵卒強蓋春秋時諸侯相并天
下百戰其經傳所見謂之敗績者如城濮鄢陵之役左傳
僖公二十八年夏四月己巳晉侯齊師宋師秦師及楚
人戰于城濮楚師敗績又成公十六年六月甲午晦晉
侯及楚子鄭伯戰于鄢陵楚子鄭師敗績皆不過犯其偏師而獵其游卒斂
兵而退未有僵尸百萬流血於江河如後世之戰何也
民各推其家之壯者以爲兵則其勢不可得而多殺也
及至後世兵民旣分兵不得復而爲民於是始有老弱

之卒夫既已募民而爲兵其妻子屋廬既已托於營伍之中而其姓名既已書於官府之籍行不得爲商居不得爲農而仰食於官至于衰老而無歸則其道誠不可以弃去是故無用之卒雖薄其資糧而皆廩之終身凡民之生自二十以上至于衰老不過四十餘年之間勇銳強力之氣足以犯堅冒刃者不過二十餘年今廩之終身則是一卒凡二十年無用而食于官也自此而推之養兵十萬則是五萬人可去也屯兵十年則是五年無益之費也民者天下之本而財者民之所以生也有兵而不可使戰是謂弃財不可使戰而驅之戰是謂弃民臣觀秦漢之後天下何其殘敗之多耶其弊悉皆起於分民而爲兵兵不得休使老弱不堪之卒拱手而就

戮故有以百萬之衆而見屠於數千之兵者其良將善

用不過以爲餌委之啖賊嗟夫三代之衰民之無罪而

死者其不可勝數矣今天下募兵至多陝西之役舉籍

平民以爲兵

仁宗康定元年六月甲辰詔陝西等路量州縣戶口籍民爲弓手強壯以備盜賊

加以明道寶元之間天下旱蝗以及近歲青齊之飢與

河朔之水災民急而爲兵者日以益衆舉籍而按之近

歲以來募兵之多無如今日者然皆老弱不教不能當

古之十五而衣食之費百倍於古此甚非所以長久而

不變者也凡民之爲兵者其類多非良民方其少壯之

時博奕飲酒不安於家而後能捐其身至於少衰而氣

沮蓋亦有悔而不可復者矣臣以謂五十已上願復爲

民者宜聽自今以往民之願爲兵者皆三十已下則收

限以十年而除其籍民三十爲兵十年而復歸其精力
思慮猶可以養生送死爲終身之計使其應募之日心
知其不出十年而爲十年之計則除其籍而不怨以無
用之兵終身坐食之費而爲重募則應者必衆如此縣
官長無老弱之兵而民之不任戰者不至於無罪而死
彼皆知其不過十年而復爲平民則自愛其身而重犯
法不至於叫呼無賴以自奔於凶人今夫天下之患在
於民不知兵故兵常驕悍而民常怯盜賊攻之而不能
禦戎狄掠之而不能抗今使民得更代而爲兵兵得復
還而爲民則天下之知兵者衆而盜賊戎狄將有所忌
然猶有言著將以爲十年而代故者已去而新者未教
則緩急有所不濟夫所謂十年而代者豈其舉軍而並

去之有始至者有既久者有將去者有當代者新故雜居而教之則緩急可以無憂矣

倡勇敢第十七

臣聞戰以勇爲主以氣爲決天子無皆勇之將而將軍無皆勇之士是故致勇有術致勇莫先乎倡倡莫善乎私此二者兵之微權英雄豪傑之士所以陰用而不言於人而人亦莫之識也臣請得以備言之夫倡者何也氣之先也有人人之勇怯有三軍之勇怯人人而較之則勇怯之相去若挺與楹至于三軍之勇怯則一也出於反覆之間而差於毫釐之際故其權在將與君人固有暴猛獸而不操兵出入於白刃之中而色不變者有見虺蜴而却走聞鍾鼓之聲而戰慄者是勇怯之不齊

至於如此然閭閻之小民爭鬪戲笑卒然之間而或至
於殺人當其發也其心翻然其色勃然若不可以已者
雖天下之勇夫無以過之及其退而思其身顧其妻子
未始不惻然悔也此非不勇者也氣之所乘則奪其性
而忘其故故古之善用兵者用其翻然勃然於未悔之
間而其不善者沮其翻然勃然之心而開其自悔之意
則是不戰而先自敗也故曰致勇有術致勇莫先乎倡
均是人也皆食其食皆任其事天下有急而有一人焉
奮而爭先而致其死則翻然者衆矣弓矢相及劍楯相
搏勝負之勢未有所決而三軍之士屬目於一夫之先
登則勃然者相繼矣天下之夫可以名劫也三軍之衆
可以氣使也諺曰一人善射百夫決拾

國語吳王夫差起師伐越二王

勾踐起師逆之大夫種乃獻謀曰夫吳之與越性天所
 授王其无庸戰夫申胥華登繼報吳國之士於田兵而
 夫嘗有所挫也夫一人善射百夫決拾勝未可成也韋
 昭注云決鉤弦拾二擬言申胥登善用兵衆必化之猶
 爲一人善射百夫決拾而效之三注云滿闔闔音開以朱韋
 骨爲之按大射礼云決鉤朱極三注云滿闔闔音開以朱韋
 指利放弦也右巨指所以鉤弦而開之極猶放也所以韋
 決極放弦契於此指多則痛小指短不用極即今世所
 用包指是也遂揮臂亦以朱韋爲之按御射礼注云遂
 射韋也所以韋爲之所以遂弦也其非射時則謂之苟有
 拾拾欬也所以蔽臂欬衣即今世所用套袖是也苟有
 以發之及其翻然之間而用其鋒是之謂倡倡莫善乎
 私天下之人怯者居其百勇者居其一足勇者難得也
 捐其妻子奔其身以蹈白刃是勇者難能也以難得之
 人行難能之事此必有難報之恩者矣天子必有所私
 之將將軍必有所私之士視其勇者而陰厚之人之有
 異材者雖未有功而其心莫不自異自異而上不異之

則緩急不可以望其爲倡故凡緩急而肯爲倡者必其上之所異也昔漢武帝欲觀兵于四夷以逞其無厭之求不愛通侯之賞以招勇士風告天下以求奮擊之人漢武紀元封五年詔令州郡案吏民有茂材異等可爲將相及使絕域者無有應者於是嚴刑峻法致之死亡而聽其深入贖罪使勉強不得已之人馳驟於死生之地是故其將降而兵破敗而天下幾至於不測武帝太初元年秋遣貳師將軍李廣利發天及勇敢士遺李廣利將兵出朔方征匈奴何者先無所年三月又遺利出五原廣利敗遂降匈奴

而爲已而私之則私不可用爲其賢於人而私之則非私無以濟蓋有無功而可賞有罪而可赦者凡所以愧其心而責其爲倡也天下之禍莫大於上作而下不應

上作而下不應則上亦將窮而自止方西戎之叛也天子非不欲赫然誅之而將帥之臣謹守封略收視內顧莫有一人先奮而致命而士亦循二焉莫肯盡力不得已而出爭先而歸故西戎得以肆其猖狂而吾無以應則其勢不得不重賂而求和其患起於天子無同憂患之臣而將軍無腹心之士西師之休十有餘年矣用法益密而進人益難賢者不見異勇者不見私天下務爲奉法循令要以如式而止臣不知其緩急將誰爲之倡哉

經進東坡文集事略卷第十八